

**Polis punca keganasan dalam pehimpunan Bersih, inkuiri Suhakam diberitahu  
Malaysian Insider  
5 Julai, 2012  
Oleh Thanusya Shanmuganathan**

KUALA LUMPUR, Julai 5 – Polis anti-rusuh telah melepaskan gas pemedih dan meriam air ke atas peserta perhimpunan Bersih pada 28 April, yang telah menyebabkan pertembungan ganas yang berjam-jam dengan peserta, dan situasi ini dijadikan lebih teruk dengan penggunaan kawat dawai di sekeliling Dataran Merdeka yang telah menyebabkan kecederaan kepada para peserta, inkuiri Suruhanjaya Hak Asasi Manusia Malaysia (Suhakam) diberitahu hari ini.

Satu saksi memberitahu inkuiri itu bahawa kawat dawai yang telah diguna oleh pihak berkuasa di Dataran Merdeka itu biasanya diguna dalam zon peperangan.

“Berdasarkan pengalaman saya, ia adalah jenis kawat dawai yang paling merbahaya. Ini adalah dari pengalaman saya sebagai seorang bekas pegawai tentera.” Khairul Anuar Pawanchik, seorang askar yang telah bersara, memberitahu inkuiri itu.

Beliau juga memberitahu panel Suhakam itu bahawa beliau telah melihat seorang lelaki dengan telinganya dilukakan dan bergantung dari kepalanya.

Beliau berkata beliau pasti luka itu diakibatkan kawat dawai yang telah diguna untuk menutup (seal off) Dataran Merdeka.

“Telinga kiri lelaki itu berdarah dengan serius selepas dawai itu memotong telinganya. Telinganya bergantung,” kata Khairul, yang juga memberitahu bahawa beliau merupakan sukarelawan Bulan Sabit Merah yang berada di Masjid Jamek hari itu untuk sebarang kecemasan perubatan.

“Pihak polis tidak patut menggunakan keganasan untuk menguruskan kumpulan orang ramai yang kasar. Kekerasan seumpama itu adalah tidak wajar,” katanya lagi.

Tetapi Khairul juga berkata beliau mendengar sekumpulan anggota polis yang berseragam yang mengejek sekumpulan orang yang dianggarkan 200 orang, dan memakai baju kemeja kuning Bersih 3.0: “Mengapa kamu lari dari sini? Kalau kamu berani, datanglah dan menghadapi kami. Berdirilah dan berlawan.”

Khairul yang berumur 60 tahun itu juga berkata sejurus sebelum kejadian itu, beliau melihat dan mendengar kumpulan demonstrator yang beranggaran 200 orang itu mengejar seorang anggota polis berseragam yang sedang berdarah dari kecederaan di Jalan Raja Laut. Kumpulan itu menjerit: “Kita bunuh polis yang jahat.”

Satu saksi lagi, Kunabalan Rahagopal, memberitahu inkuiri bahawa pihak polis tidak memberi sebarang amaran sebelum melepaskan gas pemedih ke dalam ribuan orang ramai.

“Saya pasti bahawa tidak ada amaran diberi sebelum anggota polis mula bertindak,” kata konsultan perkhidmatan sosial yang bekerja secara sambilan itu.

Kunabalan yang mengakui dirinya adalah penyokong Bersih dan telah dikenakan gas pemedih, berkata bahawa keadaan hari itu pada mulanya adalah aman, sehingga satu

skwad polis anti-rusuh telah tiba dalam satu trak FRU di Jalan Loke Yew, selepas jam 2.40pm.

Beliau memberitahu inkuiri itu bahawa beliau melihat lima hingga enam pemuda yang berpakaian hitam menembusi halangan berdawai duri itu tanpa kejadian.

"Seorang individu berbangsa Cina telah melompat melepasi halangan dan bercakap dengan anggota polis dan memberi mereka sejambak bunga dan telah ditemu bual oleh media," Kunabalan berkata, semasa menerangkan kejadian pada jam 2.40pm pada 28 April, sebelum kekecohan berlaku.

"Trak FRU itu telah bergerak masuk dan mula melepaskan meriam air. Dalam masa beberapa minit, mereka mula melepaskan gas pemedih," kata beliau.

Saksi ketiga yang memberi keterangan hari ini adalah pesara Baharudin Hisham yang berumur 53 tahun dan berasal dari Puchong.

Beliau berkata beliau adalah seorang orang awam yang sedang membeli-belah di kawasan Sogo sebelum sekumpulan polis mula memukulnya dan satu kumpulan besar yang memakai baju kemeja kuning Bersih 3.0.

"Saya diheret di atas jalanan dan dipukul di seluruh badan dan kepala saya," beliau berkata.

"Pihak polis kemudian menahan saya tanpa sebab."

Baharuddin berkata kejadian itu berlaku kira-kira pada jam 4 hari itu, sejurus selepas solat Asar.

Suhakam telah hari ini memulakan satu inkuiri awam into the keganasan yang telah tercetus dalam ibu kota negara pada 28 April, berikutan demonstrasi Bersih yang ketiga untuk pilihan raya yang adil sejak 2007.

Panel inkuiri yang diketuai Naib Pengerusi Suhakam Datuk Dr Khaw Lake Tee dan dibantu dengan ahli suruhanjaya Professor Datuk Dr Mahmood Zuhdi Abdul Majid and Detta Samen akan menemu bual 22 saksi untuk jangka masa 22 hari.

Ketiga-tiga saksi hari ini telah memberi keterangan di hadapan pemerhati dari Malaysian Bar, pihak polis dan beberapa orang pemantau bebas.

Perbicaraan seterusnya akan diadakan pada 11 Julai pada jam 9 pagi.

Perhimpunan pada 28 April itu telah melihatkan beribu-ribu orang berkumpul di enam lokasi yang berbeza sebelum menuju ke Dataran Merdeka itu adalah aman, sehingga kira-kira 2.30pm apabila ketua Bersih Datuk Ambiga Sreenevasan telah meminta orang ramai bersurai.

Tetapi pengumumannya tidak kedengaran oleh kebanyakan orang ramai yang masih berlegar di sekeliling dataran yang bersejarah itu. Mahkamah telah melarang orang awam memasuki dataran itu.

Sejurus sebelum jam 3 petang, ada peserta perhimpunan yang merempuh benteng di sekeliling Dataran Merdeka, dan ini mendorong pihak polis menyuraikan orang ramai dengan menggunakan gas pemedih dan meriam air.

Pihak polis kemudian terus mengejar peserta perhimpunan itu dalam situasi huru-hara itu yang melihatkan keganasan dilakukan oleh dua pihak untuk empat jam yang seterusnya.

Beberapa dozen peserta mendakwa bahawa mereka diserang kumpulan-kumpulan yang dibentuk oleh lebih dari 10 anggota polis, dan bukti gambar/video kelihatan seperti menyokong dakwaan mereka.

Tetapi pihak polis juga berkata ada keganasan dari peserta yang telah menyerang satu kereta polis.

Kereta polis itu kemudian telah merempuh satu bangunan sebelum beberapa peserta menterbalikkan kereta itu untuk berdiri.

Kerajaan persekutuan juga telah menubuhkan panel dirinya untuk menyiasat keganasan pada 28 April itu, tetapi pemilihan bekas ketua polis Tun Hanif Omar sebagai pengerusi panel itu telah dikutuk kerana beliau pernah membandingkan gerakan Bersih dengan komunisme dan menuduh pihak penganjur cuba mengulingkan kerajaan.

Panel Hanif itu telah pada hari ini melawat semula tempat kejadian perhimpunan pada 28 April itu, semasa inkuiri Suhakam itu dijalankan.

Hakcipta © 2012 The Malaysian Insider

Source:

<http://www.themalaysianinsider.com/bahasa/article/polis-punca-keganasan-dalam-pehimpunan-bersih-inkuiri-suhakam-diberitahu/>